

Ko wai mātou, ā, he aha ngā mahi

Tā mātou mahi – Te whanaketanga pāpori mā ngā tāngata katoa o Aotearoa

Ka mahi Te Manatū Whakahiato Ora kia whaihua tana whai wāhi ki te oranga o te tangata i tēnei rā, ā muri ake nei hoki. Ko te āwhina i te tangata, ngā whānau me ngā hāpori te aronga nui o ā mātou mahi.

Tā mātou hōkaitanga – Ko mātou te tari matua e whakahaere ana, e whakarato ana hoki i te pūnaha tokoora o Aotearoa

Ko ā mātou haepapa me ngā mahi:

- te whakarato tautoko moniwhiwhi me ngā ratonga penihana
- te whakarato ratonga mahi me te tautoko
- te hoahoa me te tuku i ngā ratonga hāpori i te taha o ētahi atu
- te toha pūtea ki ngā kaiwhakarato ratonga hāpori
- te whakarato tahua me ngā pūtea taurewa ākongā
- te whakarato āwhinatanga me ngā ratonga whare tūmatanui
- te noho hei kaiwhakarato matua o te kaupapahere me te tohutohu pāpori ki te Kāwanatanga
- te aroturuki i ngā hinonga Karauna e toru me te whakarato tohutohu ki te Minita haepapa
- te taurima i a Whaikaha – Ministry of Disabled People, rātou ko Te Kāhui Kāhu (Social Services Accreditation), Te Tari Kaumātua, Te Manatū Whakahiato Taiohi (MYD) me Te Mana Whakamaru Tamariki Motuhake
- te whakarite i te whaihua me te hāngai o ngā ture e whakahaeretia ana e mātou
- te mahi tahi me ētahi atu tari, ki te rāngai pāpori whānui atu anō hoki.

Hei hoa rangapū Tiriti, e ū ana mātou ki te tautoko me te whakamana i ngā whānau, ngā hapū, ngā iwi me ngā hāpori Māori ki te whakatinana i tō rātou ake pitomata me ngā wawata

Ko ō mātou Uara Manatū Whakahiato Ora



Manaaki

E kaingākau ana mātou ki te oranga me te angitu o te tangata



Whānau

He tari kauawhi mātou, otirā ka whakapakari i te wairua toi whenua



Mahi tahi

Ka mahi tahi, ka whai hua ngā hāpori



Tika me te pono

Ka tika ā mātou mahi i runga anō i te pono

He aha tā matou e whai nei

Tō mātou kaupapa

Manaaki Tangata, Manaaki Whānau

Ka āwhina mātou i te hunga o Aotearoa kia haumaruru, kia pakari, ā, kia tū motuhake



Ā mātou huanga – Tā mātau e hiahia ana ki te whakatutuki e tutuki ai tō mātau kaupapa

- Ka whiwhi ngā tāngata o Aotearoa i te tautoko e tika ana
- He aumangea ngā tāngata o Aotearoa, otirā e noho ana ki ngā hāpori kauawhi, tautoko hoki
- Ka uru mārika ngā tāngata o Aotearoa ki ngā mahi porihanga, otirā ka whāia te iti kahurangi

Tō mātou anga rautaki

Ko Te Pae Tawhiti ka whakaahua i ngā nekehanga rautaki e toru e whāia ana puta noa i tō mātou whakahaere

Mana manaaki

He wheako pai i ngā wā katoa

Kotahitanga

Te mahi rangapū kia nui ake ngā hua

Kia takatū tātou

Te tautoko i ngā whanaketanga pāpori, ōhanga mauroa hoki



Te Pae Tata — he rautaki me te mahere mahi Māori e whakatakoto ana i tā mātou āhua mahi me te Māori, ki te whakatutuki i ngā putanga pai ake e hāngai pū ana ki te Māori.

Kia Ora ngā Iwi o Te Moana-nui-a-Kiwa — Ā Mātou Tāngata, Ā Mātou Otinga, Tō Mātou Anamata koinei tā mātou rautaki, mahere mahi hoki e tutuki ai ngā huanga mana taurite mō ngā iwi o Te Moana-nui-a-Kiwa.



Te āwhina i a matou kia whakatutuki ai i ngā mahi

Te Pae Tawhiti Programme

E whakaumu ana mātou kia mārara pai ake, kia hono kaha ake, kia whakarato pai ake, me te tautoko pai ake i ngā kiritaki, ō rātou whānau me ngā hāpori

Ko te hōtaka nei he hōtaka panoni tau maha hei whakarite i tā mātou tuku i ngā ratonga e māmā ake ai te whakamahi, he whakatapoko ake, ā, kua whakauruuruwa puta noa i te rapu mahi, te whai whare me te tautoko moni whiwhi.

Ka whakaratoa e te Hōtaka:

- he wheako matihiko pai ake puta noa i ngā ratonga a Te Manatū katoa
- he tauira ratonga hou me tētahi tauira tikanga whakahaere kēhi pakari ake, e nui ake ana te arotahi ki ngā putanga āraitanga, toitū hoki, te tautoko ngoto mā te hunga e tino matea ana
- ngā tukanga ngāwari ake mā ngā pākeke, ngā taurira me ngā kiritaki hunga mahi
- ngā huarahi hononga atamai ake ki ngā kaiwhakarato ratonga pāpori, ā-iwi, kaituku mahi, ā-ahumoni hoki.

Ko tā mātou aronga tuatahi:

- te hanga i tētahi wheako matihiko hou mā ngā kiritaki
- te whakarite i te āheinga o ngā tāngata o Aotearoa ki ngā ratonga mahi ā-matihiko
- te whakawhanake i ngā tikanga whakahaere kēhi hou e anga pū ana ki te Taurira Ratonga Anamata
- he tino whakapai ake i te whakahaerenga kirimana, kia whaihua ake, kai whāomo ake hoki ngā mahi rangapū.

Ō mātou tūāpapa whakahaere

Ka whirinaki te tukunga o tā mātou rautaki i runga i ētahi āhuatanga maha, otirā he tino waiwai te whai i te āheinga ā-whakahaere tika

Ko tā mātou:

- he whakapakari i tō mātou uruparetanga ki te Māori
- he tautoko i ā mātou kaimahi ki te āwhina i ngā tāngata o Aotearoa
- he tiaki i te hauora, me te haumaruru o ā mātou kaimahi, ngā kiritaki me te iwi tūmatanui
- he whakahaere mōrearea i tētahi taiao uaua
- he tautoko i ngā whakataunga take pakari mā roto i te mana whakahaere
- te mātua whakarite kia whiwhi hangarau matihiko whaihua ā mātou tāngata, ngā hoa rangapū me ngā tāngata o Aotearoa
- he whakamahi raraunga, tātaritanga me ngā mōhiotanga ki te whakatau take
- he whakarite i te haumitanga me te whakahaere rawa atamai ake
- he whakapakari i ngā mahi arumoni
- he whakaiti i ngā tukuwaro.